

蓮子居詞話

蓮子居詞話卷之三

海寧 吳衡照 子律輯

王新城尙書立論和平近理然亦有可議者如香祖
筆記以尹吉甫惑聽妻讒至使其子伯奇衣苔帶
藻作履霜之操此與晉獻驪姬之事何異而詩人
顧稱之其猶後世詞人之諛韓侂冑賈似道者動
擬以伊周庸足信乎 云 竊按蔡邕琴操伯奇見
逐履霜自傷于是援琴而鼓之曲終投河而死據
邕說伯奇僅止見逐其死蓋由不得于父而自沈
非如申生必致之死而後已固與晉獻驪姬有間

趙岐孟子注伯奇仁人而父虐之故作小弁之詩
王充論衡伯奇放流首髮早白故曰惟憂用老曹
植令禽惡鳥論其弟伯封求而不得作黍離之詩
本韓詩之說俱並未言伯奇之死或又謂宣王出
遊伯奇作歌感王吉甫始悟然則伯奇當日死與
未死漢儒以來所傳聞異辭正未可定更不得例
吉甫于晉獻驪姬也伯奇見逐而吉甫不得爲名
臣殷武丁殺孝己將不得爲賢君乎非篤論也至
比詩人以後世詞人之諛韓侂冑賈似道者益儼
不于其倫矣

吳江郭祥伯金匱楊伯夔仿司空表聖之例撰詞品
各十二則奄有衆妙郭云千巖巉巉一壑深美路
轉峯迴忽見流水幽鳥不鳴白雲時起此去人間
不知幾里時逢疎花娟若處子嫣然一笑目成而
已幽行雲在空明月在中瀟瀟秋雨泠泠好風卽
之愈遠尋之無蹤孤鶴獨唳其聲清雄衆首俯視
莫窮其通回顧數澤翩哉飛鴻高海潮東來氣吞
江湖快馬斫礮登高一呼如波軒然蛟龍牙須如
怒鵠起下盤浮圖千里萬里山奔電驅元氣不死
乃與之俱雄芙蓉作花秋水一半欲往從之細石

凌亂美人有言玉齒將粲徐拂寶瑟一唱三歎非

無寸心繾綣自獻若往若還豈曰能見

委曲

美人滿

堂金石絲簧忽擊玉磬遠聞清揚韻不在短亦不

在長哀家一梨口爲芳香芭蕉灑雨芙蓉拒霜如

氣之秋如冰之光

清脆

雜花欲放細柳初絲上有好

鳥微風拂之明月未上美人來遲却扇一顧羣妍

皆媿其秀在骨非鉛非脂渺渺若愁依依相思

神韻

人生一世能無感焉哀來樂往雲浮鳥仙銅駝巷

陌金人歲年鉛水迸泪鷓鴣裂絃如有萬古入其

肺肝夫子何歎唯唯不然

感慨

鮫人織綃海水不波

珊瑚觸網蛟龍騰梭明月欲墮羣星皆趨淒然掩

泣散爲明珠織女下眎雲霞交鋪如將卷舒貢之

太虛

奇麗

好風東來幽鳥始哢陽春在中萬象皆動

一花未開衆綠入夢口多微詞如怨如諷如聞玉

管快作數弄望之邈然鶴背雲重

含蓄

清霜警秋微

月白夜其上孤峯流水在下幽尋欲窮乃見圖畫

愜心動目喜極而怕跌宕容與以觀其罅翩然將

飛倘復可跨

通峭

維組成錦萬花爲春五醞酒釀九

華帳新異彩初結名香始熏莊嚴七寶其中天人

飲芳食菲摘星挾雲偶然咳唾明珠如塵

穠豔

名士

揮塵羽人禮壇微聞一語氣如幽蘭荷雨夜歇松

風夏寒之子何處秋山槃槃萬籟俱寂惟鳴幽湍

千噉百嚙奉君一九

名雋

楊云悠悠長林濛濛曉暉

天風徐來一葉獨飛望之彌遠識之自微疑蜨入

夢如花墮衣幽絃再終白雲愈稀千里飄忽鶴翅

不肥

輕逸

秋水樓臺澹不可畫時逢幽人載歌其下

明星未稀美此良夜恂恍從之夢與煙借荷香沈

浮若出雲罅油油太虛一碧俱化

綿邈

萬山嶺嶺迴

風盪寒決皆千仞飲雲聞湍龍之不馴虹之無端

畸士羽衣露言雷喧洞庭隱鱗蒼梧逸猿元氣紛

變創斯奇觀

獨造

送君長往懷君思深白日欲墮池

臺氣陰百年寸暉衷短吟松篁幽語獨客泛琴

聆彼七絃瀟湘雨音落花辭枝淒入燕心

淒紫

之子

曉行細路香送時聞春聲百鳥含啼林花初開蠶

須欲動美人何許短琴潛弄明明無言泠泠如諷

卷簾綠陰微雨思夢

微婉

疎雨未歇輕寒獨知茶煙

晝青鬻藤一枝秋老茆屋檐蟲挂絲葉丹苔碧酒

眠悟詩飲真抱和仙人與期其曰偶然薄言可思

閒雅

俯視苔石行歌長松千葉萬吹凜然噓冬返風

乘虛餐煙太蒙矯矯獨往落落希蹤夜開元關盪

聞天鍾光滿睂宇與斗相逢

高寒

空波鄰天鳴簪扣

舳鷺鸞立雨浪花一肩采采白蘋江南曉煙覓鏡

照春逢潭寫蓮漁舟還往相忘歲年佳語無心得

之自然

澄澹

卓卓野鶴超超出羣田家敗籬幽蘭逾

芬意必求遠酒不在醇玉山上行疎花角巾短笛

快弄長嘯入雲軒軒霞舉須睂勝人

疎俊

悵焉獨邁

慘予隱憂悟出繫表天地可求亭亭危峯倒影碧

流空山沍寒老梅古愁味之無腴揖之寡儔遙指

木末一僧一樓

孤寥

如莫邪劍如百鍊鋼金石在中

匪曰永藏鉤心摺胃韜神斂光水爲沈流星無散

芒離離九疑鬱然深蒼萬乘一取駟驢錦囊精鍊天

孫弄梭腕無暫停麻姑擲米走珠跳星荷露入握

菊香到瓶如泉過山如屋建飯虛籟集響流影幻

形四無人語佛閣一鈴靈活

傳說舛錯惟樂章集信不易訂如浪淘沙慢一百三

十三字女冠子一百十一字傾杯樂九十五字又

一百八字引駕行一百二十五字望遠行一百四

字秋夜月八十二字洞仙歌一百十九字又一百

二十三字又一百二十六字長壽樂八十三字破

陣樂一百三十二字世乏周郎無從顧悞不能不

爲屯田惜已

屯田女冠子一百十四字體樓臺悄似玉向紅爐煖
閣院宇深沈廣排筵會聽笙歌猶未徹漸覺寒輕
透簾穿戶紅友云凡三十二字方叶韻或謂玉字
讀若裕以入作叶未確字字似韻然上下讀不去
爲傳訛無疑按玉字韻以入作叶如惜香以吉叶
髻戲坦菴以極叶氣瑞北宋有此例字字亦韻院
宇深沈廣排筵會似當云廣排筵會深沈院宇証
以所錄伯可詞僅數觀字不合餘悉同

屯田訴衷情近七十五字體雨晴氣爽竚立江樓望

處澄明遠水生光重疊暮山聳翠紅友于翠字註
韻殊不知處字卽韻蔣勝欲探春令處翅住指竝
叶可証且從無至第四句二十二字纔起韻之理
屯田迷仙引紅友詞律疑其脫悞今細繹之殆無訛
也後片云萬里丹霄何妨攜手同去句去句便棄
却煙花伴侶免教人見妾朝雲暮雨上去字叶下
去字疊頓折成文猶北曲醉春風體也且辭意完
足雖無他詞可証卽亦不証可耳朱竹垞題水蓼
花譜此解上去字不叶下去字不疊併七字一句
終未爲得也

生日獻詞盛於宋時以諛佞之筆攔入風雅不幸而傳豈不倒却文章架子孔毅夫野史文潞公守太原辟司馬溫公爲通判夫人生日溫公獻小詞爲都漕唐子方峻責此事固未可信然至如魏華父則非此不作不可解已

漁洋官柳煙含六代愁絲絲畏見冶城秋無情畫裏逢搖落一夜西風滿石頭賦秋柳恰到好處其七律四首祇以調勝當時謂如初寫黃庭實過當語也近王應奎柳南隨筆載邵陵金縷曲頗得南宋人筆意云萬樹黃金綫最無端送春辭夏垂垂欲

倦一自漫空飛絮盡多少朱門晝掩便背了東風
一面記得清明寒食路倚纖腰亂打桃花片又勾
住花間燕如今拋擲情何限帶幾枝冷煙疎雨水
村茅店六代山河斜照裏無數暮鴉樓遍又何處
笛聲哀怨悽絕右丞三疊句任行人唱煞無心管
長亭路連天遠陵常熟人

常熟黃儀有詞名著紉蘭別集鈕玉樵言三吳詞家
稱朱陳兩檢討陳以蒼雄擅奇朱以生新標雋俱
已譽高黃絹價重烏絲若黃子鴻紉蘭別集非不
可追響東堂齊蹤西麓也風流子云柳岸試維舟

蒼苔路彷彿認層樓想曉燕催粧春鶯教伎雲翻
舞掌雪噴歌喉誰曾管疎簾難隱笑小扇不障羞
紫陌塵香重停五馬紅墻月冷悄候千牛風流渾
未厭奈珠沈翠殞是事休休忍看雕甍畫棟冷落
山邛但雲去雲來有時有夢花開花謝無地無愁
題取斷腸詞句當我纏頭水龍吟云霜容莫笑龍
鍾少年曾是推豪興高陽伴侶三春逐日聯鑣飛
鐙山北山南芳菲賞遍別尋幽勝記披襟直上雲
峯絕頂渾欲喚青天應誰道多生蹭蹬舊情懷都
來難稱十年回首交游嚼蠟功名墮甌除却枯吟

酒腸碁膽消磨無剩但秋來猶愛斷鴻聲苦把危樓凭黃工書卽寫漁洋續集仿宋槧者也

說文韃從革建聲居言切武林舊事小經紀韃子之韃借作韃劉侗帝京景物略作韃吳任臣字彙補因之註音建毘陵婦女雅善此戲迦陵爲沁園春紀其事

喪大記註君釋菜以禮禮門神門神二字見此荆楚歲時記始載繪像貼戶左右楓窗小牘別著圖樣裝飾近俗貌武將爲門神殆自宋昉也要卽古者神荼鬱壘之遺迦陵詞有云抖擻門丞秦叔寶語

殊不經不意出鴻儒手

今人學辛稼軒叫囂打乖墮入惡趣無迦陵先生才
不作可耳萬紅友金縷曲云三野先生者謂野居
野心野服自稱三野人不知其何從至姓氏知之
者寡在陋巷門無車馬人不堪憂君獨樂且訢然
樂以忘天下天山遯是其卦蕭然四壁惟圖畫于
吟詩讀書之外亦能書寫閒則雲山隨所至多與
漁樵答話或共飲極歡而罷贊曰夫人生世上每
勞勞名利而無暇如是者一人也

三野先生傳贊

又云乙

巳春之季與吳君

原註吳天石天篆

曹君

原註曹南耕

諸子會

于槐里遂往遊于石亭礪少長羣賢畢至興不減
蘭亭修禊此地崇山多峻嶺有茂林修竹清流
堪暢敘坐其次氣清天朗風和惠其欣然形骸放
浪興懷托寄俯仰彭殤皆妄作莫問世殊事異且
一觴一詠相繼客曰斯游真足樂不可無韻語傳
于世予曰諾是爲記

游石亭記

二詞猶不失爲劉改之

宜興史位存

承謙

與弟衍存

承豫

並有才名位存尤

工詞滴粉搓酥多言情之作所著小眠齋集警句
如虞美人云畱得一絲情在總成愁鵲踏枝云夜
合花時芳信阻有情明月無情雨點絳脣云笑拈

茉莉一枕新秋意玉燭新云半生歡分翻輸却夢裏纏綿多少南樓令云只隔珠簾同聽雨孤負煞夜涼多拜星月慢云抱月飄煙想纖腰一尺臺城路云層樓凝竚捱不到黃昏便添悽楚暮靄沈沈遠天都是雨百字令云回憶妝閣香溫橫斜瘦影花與人無別等語皆生新獨造不拾陳郎牙後慧者近日任澧塘安上周蕩塘迪諸先生輩都宗之澧塘賣花聲云綠到桺絲間便已綿蠻猜來話有幾多般似說流光飛電逝轉眼春殘何不日憑闌儘着追歡雨偏容易日偏難儂與林花同命薄只

遇春寒

鶯

藕塘疎影云煙霏柳港正濃陰市岸晝

橈輕漾小拓窗櫺一碧空明篷背綠圍成幃薔薇

開處茶蘼老尋舊約但深惆悵恁春酣碧透紗厨

何處掛帆重訪猶認津亭古樹看黃鸝兩兩相喚

飛上夢遶山陰酒盞含情添得櫓聲搖蕩暮雲層

疊江村隱一縷紅霞微颺待幾時棹影歸來定有

新蟬送響

舟中綠陰

竹汀先生養新錄記宋人同姓名者曹輔王存吳革

王襄劉通王淮王著王明王貴安守忠李維李若

谷蘇紳黃震王珪王琪王鞏田敏王雱陳升之蔡

抗趙鼎李浩王質王彥升王佐孫奕楊朴史炤王
堯臣張觀胡銓張震郭京劉藻張琬李常王安國
張林張維李定張永德張昭遠王應麟李祥王杲
張廷翰王延德徐自明陳均楊萬里王倫葉適王
化基張奎章甫何逢原朱申李珣張順張忠鄭湜
王洙王絢王古黃裳黃定彭乘張體仁徐奭王炎
呂好問陳造王汾王達凡七十有五獨不及張先
兩張先俱字子野尤奇

儼山外集豫章漫抄云宋有兩葉夢得俱號石林吳
縣石林字少蘊官至宰執工詞有琴趣外篇貴溪

石林南渡朝進士官至秘書丞知撫州今性理大全所引石林葉氏次西山真氏後者非少蘊也可補竹汀先生之遺

宋人同姓名者又有韓玉二玉亦同時一見劉祁歸潛志一見葉紹翁四朝聞見錄竹垞詞綜選東浦詞四朝聞見錄中人也而系歸潛志中人履貫蓋偶未考歸潛志韓玉中州集有詩

宋王亘有二一元祐間浙人一乾道間閩人厲樊榭宋詩紀事錄元祐間之詩而系乾道間全謝山答樊榭札詳疏之與詞綜韓玉之悞同也宋詩紀事

三十一卷有鄭景望四十七卷又有鄭伯熊詞綜
十二卷有姚進道三十一卷又有姚述堯名字分
列皆當訂正

詞選本以竹垞詞綜爲最善吾鄉許蒿廬先生爲之
評凡夫抒情之妙寫景之工以及起結過換襯貼
之法靡不指示詳明洵詞壇廣劫燈也先生手校
書劇夥其詞評則門人海鹽張氏附刻於初白菴
詩評之後

郭頻伽廬靈芬館詩話十卷末附詞話二卷仿周草
牕浩然齋雅談例也頻伽詞專摹小長蘆清折靈

轉幾於具體而又過之所錄名篇雋句生香活色
絕少俗韻其稱梅溪警句及克齋太常引一闕真
能補竹垞詞綜所未備季滄葦行香子一闕亦視
王少司寇詞綜所選爲優

頻伽詞話云詞有拗調拗句須渾然脫口若不可不
用此平仄聲字者方爲作手如未能極工無寧取
成語之合者以副之斯不覺其聲牙耳茲言最得
拗體之訣推之如江城梅花引喝火令歸田樂各
體雖未爲盡拗然必極精融妥溜而出之

詞有俗調如西江月一翦梅之類最難得佳念奴嬌

之覽古沁園春之體物易地而爲之未有能工焉者矣

詞有疊字三字者易兩字者難要安頓生動詞有對句四字者易七字者難要流轉圓愜

青田蝴蝶不知身是夢飛上花枝翻用南華有作熟還生之妙

夏文愍

言

當時亦有曲子相公之號湧幢小品云文

愍以議禮驟貴與曾石塘

銑

爲內戚遂起復套之

說作漁家傲以示黃泰泉

佐

索和黃有千金不買

陳平計之句蓋託諷也未幾禍作

云

夫人臣得

時專政輒思立蓋世功名以自固文愍之復套猶
之韓平原之圖中原也于事無濟而伺其隙者已
起而躡其後楊文貞

士奇

寢安南之議真名臣哉

十國時風雅才調無過于南唐后主次則蜀兩後主

又次則吳越忠懿王南滙吳稷堂先生

省蘭

十國

宮詞百首徵材富豔足與前諸家競美茲錄其尤
可誦者於編南唐云北苑新粧的乳茶六宮清讌
內香誇帳中別有畱春法熬取鵝梨一穗斜致迎

原註義

銀鵝被

原註並
義切

繡陳金錢四撒帳生春明

珠依舊深宵展恰照香階衩襪人小亭窄窄篝紅

羅葉格香簌貯不多密意難傳祇勸酒萬花叢映
醉顏酡牙籤萬軸手親儲玉貌何曾下玉除妒殺
黃羅團扇女懷中偷展錯刀書前蜀云新裁麗句
寫紅絲總是煙花絕妙辭教得歌伶承制好低翻
一段聖琉璃仙苑張筵侍夜遊交橫簪烏雜觥籌
玉簫低唱深杯勸沈醉嘉王淚未收玉貌清才妙
擅雙新詞傳唱釣魚缸夜闌更寫婆娑竹影透南
軒月一窗後蜀云綃帳輕紅玉枕青仙能入夢醉
能醒瓊華一去幷宮冷獨旦迢迢七十屏紅梔花
種

原註

主
勇切

自仙巖點綴釵梁綠髻銜香似宮梅兼

有色畫宜團扇繡宜衫吳越云一枝龍藥施

原註式義

切

禪關法苑珍逾旖旎山更與眞妃畱塏記細書

經尾禮華鬘

怎讀爭上聲廣韻不載惟韓孝彥五音集韻有其字
頗不典雅然在詞韻宜補之入寢韻

陽關三疊之說言人人殊香山詩相逢且莫推辭醉
聽唱陽關第四聲注第四聲勸君更盡一杯酒益
索解不易東坡嘗求古本陽關而得其說謂每句
皆再唱而第一句不疊故三疊勸君更盡一杯酒
恰是第四聲以此推之香山謂河滿子一曲四詞

歌入疊應是每句三唱碧雞漫志云歌入疊疑有和聲如漁父小秦王之類和聲卽虛聲也

宋王晦叔

灼

贈妓盧姓清平樂曲盧家白玉爲堂于

飛多少鴛鴦縱使東牆隔斷莫愁應念王昌用盧家莫愁恰好以王昌自寓信屬巧合盧家莫愁與王昌事書缺無可攷晦叔碧雞漫志云李商隱詩本來銀漢是紅牆隔得盧家白玉堂誰與王昌報消息盡知三十六鴛鴦嘗讀古樂府一曰相逢狹路間道隘不容車不知何年少夾轂問君家君家誠易知易知復難忘黃金爲君門白玉爲君堂堂

上置樽酒作使邯鄲倡中庭生桂樹華燈何煌煌
兄弟兩三人中子爲侍郎五日一來歸道上自生
光黃金絡馬頭觀者滿道傍入門時左顧但見雙
鴛鴦鴛鴦七十二羅列自成行一日河中之水向
東流洛陽女兒名莫愁莫愁十三能織綺十四採
桑南陌頭十五嫁爲盧家婦十六生兒字阿侯盧
家蘭室桂爲梁中有鬱金蘇合香頭上金釵十二
行足下絲履五文章珊瑚挂鏡爛生光平頭奴子
提履霜人生富貴何所望恨不嫁與東家王據李
商隱詩知樂府前篇所謂白玉堂及鴛鴦七十二

乃廬家樂府後篇所謂東家王卽王昌也晦叔以唐人詩證古樂府甚合惟以東家王爲王昌唐人詩皆然終未知所據耳

文章顯晦有數存乎其間不可強也吾杭詩餘後清真知名者爲仇山村而詞止四首安知海內無好事家如張子野姜白石二集藏弄完好以待流傳耶山村家錢塘西城脚下今呼仇家園地出莧極美

毛稚黃以古學振起西陵當時語云浙中三毛東南文豪謂稚黃及遂安河右也兩毛皆出仕獨先生

中年失音杜門十載後始愈盛夏擁絮草褥至二
十八重同人爲作草薦先生傳著書十四種議論
往往可取鸞情集詞江城子云滄海月明都換淚
還道是不曾愁菩薩蠻云冥濛簾外如煙氣積成
一點花梢淚細雨更漏子云麝薰箋脂抹印一點淚
痕紅暈將折處更遲畱安排讀了愁得信鳳來朝云
覺愁來覓愁無處黯黯飛將去在曉樹冥濛許西湖
春曉撥香灰云除却鞋尖似昔時餘都是今春瘦青
杏兒云紅蕪綠漫朱零碧落一段新愁皆警句也

徐子寧

逢吉

在西陵後十子之列居清波門外學士

港爲黃雪山房南宋時稱清波門爲閤門故時人
稱閤門先生工詞有搖鞭微笑柳洲清響峯樓寫
生等集長相思云過饒州盼韶州白首重爲嶺外
游梅花在嶺頭水西流水東流兩個離人一葉舟
并來多少愁

章貢道中
和趙飲谷

滿江紅云過得新年第一

夜瀟瀟春雨剛湊着愁人作客布帆西去枕上欲
眠還又醒分明河畔聽秋杵最傷心零落小梅花
沾泥土攪一段吳娘艣攪幾陣津門鼓似笛聲入
破越添淒楚二月家鄉歸不得西湖鶯燕誰爲主
擁寒衾坐起剔銀鐙鐙無語

由鹽官至槁李舟
中聽雨不寐有作

牕竝倚云忽地西風起指衡陽縹緲又早征鴻來
矣故園在何處怎不把書相寄念昨夜舟中今宵
夢裏多少愁滋味欲住也渾無計欲去也渾無計
還憶綠窗竝倚正天長地久不道這回拋棄想伊
更多病那受得恁般憔悴對湘竹簾兒芙蓉鏡子
彈了千行淚一半是西湖水一半是西江水先生
年七十餘病廢命其孫握管撰清波小志

錢唐吳寶崖題遂安毛鶴舫映竹軒詞清平樂云惜
春春去梅子黃時雨休唱江南腸斷句自有東堂
新譜雨餘恰見殘鶯遮花映竹低鳴憑仗毛滂一

曲和鶯畱住春城鶴舫後刻浣雪詞抄二卷寶崖
長短句僅見此首

許莘野漾花梢一朵行雲化水痕難覓二語狀偶見
之神殆入化境莘野名田錢唐人康熙癸未進士
有春夢詞二卷水痕詞二卷屏山詞話一卷

王阮亭詩稗畦樂府紫珊詩更有吳山絕妙詞此是
西泠三子者老夫無日不相思吳舒鳬名儀一字
璚符錢唐人著吳山草堂詞松窗筆乘云當時魏
叔子古文負重望舒鳬獨面折之謂規友管婢細
故也而曰省刑書刺刺千餘言不已失事之權衡

論岳鄂王事而曰宜鑄高宗像跪於墓乖君臣之義用字如以肱觸其背類非史家法座客以爲狂叔子獨歎服也然則舒鳧又能爲古文者與

厲樊榭生平有煙癖類韓慕廬嘗譜天香詞傳諸好事同時汪韓門翟晴江有詩全謝山有賦足備菰材故實方靈臯之官禮部也會請飭煙禁以裕民食今則土葉殆遍而吾杭製切尤有名已

吾浙詞派三家羨門有才子氣於北宋中最近小山少游耆卿諸公格韻獨絕竹垞有名士氣淵雅深穩字句密緻自明季左道言詞先生標舉準繩起

衰振聾厥功良偉樊榭有幽人氣惟冷故隋由生
得新當其沈思獨往逸興遄飛自成情理之高無
預搜討之末全謝山爲樊榭作墓碣謂深於言情
故其擅場尤在詞謝山初不攻倚聲之業然斯言
獨得樊榭之概謝山又云樊榭畢生以覓句爲自
得春闈報罷湯西厓少宰欲授館焉樊榭襍被潛
出京翌日迎之則已去矣旣以詞科薦同人咸強
之始出又被放幡然遄歸會選部之期近將赴之
同人皆謂君非有簿書鞅掌才何孟浪思一擲曰
吾冀以薄祿養母也竟至津門興盡而返數語想

見前輩不諧俗之趣所著文集八卷遊仙詩三卷
絕妙好詞箋七卷東坡雜記二卷謝山未之及卒
葬西溪王家塢無子栗主爲丁龍泓敬題

婦人纏足南唐後主時宮娥外別無聞焉吾鄉周斌

侯

兼

善畫士女嘗寫小周后提鞬圖于指間挂雙

紅作纖纖狀頗屬杜篡圖爲賞鑒家所重當時如

初白樊榭前後題詠具載本集許蒿廬

昂霄

詩云

弱骨豐肌別撓姿雙鬟初綰髮齊眉畫堂南畔驚
相見正是盈盈十五時多少情悰眼色傳今宵刻
襖向郎邊莫愁月黑簾櫳暗自有明珠徹夜懸正

位還當開寶初玉環舊恨問如何任教寧慢工相
妬博得鰥夫一紙書一首新詞出禁中爭傳纖指
挂雙弓不然誰曉深宮事盡取春情付畫工張寒

坪宗楠

詩云教得君王恣意憐香階微步髮垂肩

保儀玉貌流珠慧輪爾承恩最少年別恨瑤光付
玉環誅詞酸楚自稱鰥豈知剗襪提鞵句早唱新
聲菩薩蠻花明月暗是良媒誰遣深宮侍疾來驚
問可憐人返臥心知未解避嫌猜北征他日記匆
匆無復珠翹鬢朶工一自宮門隨例入爲渠宛轉
避房櫳按元人又有太宗逼幸小周后圖惜斌侯

未之仿也

花間詞慢移弓底繡羅襪婦人纏足見詠於詞者始此劉熙釋名晚下如舄婦人短者著之今人緣以爲高底之製卽古重臺履也

今馬弔戲或謂唐葉子之遺按唐書同昌公主傳韋氏諸宗好爲葉子戲鄭谷李洞俱有打葉子上龍州韋郎中詩焦竑國史經籍志南唐李后主妃周氏著擊蒙小葉子格一卷馬端臨文獻通考亦載葉子格戲一卷不著撰者姓氏翟灝通俗編據易安打馬賦序謂今馬弔當屬易安所謂打馬葉子

在北宋時已無傳矣彭羨門延露詞云南朝舊譜
翻新思想是借用語

金元工於小令套數而詞亡論詞於明并不逮金元
遑言兩宋哉蓋明詞無專門名家一二才人如楊
用修王元美湯義仍輩皆以傳奇手爲之宜乎詞
之不振也其患在好盡而字面往往混入曲子昔
張玉田論兩宋人字面多從李賀溫岐詩來若近
俗近巧詩餘之品何在焉又好爲之盡去兩宋醞
藉之旨遠矣

朱竹垞詞綜三十卷後有汪碧巢補人三卷補詞三

卷今蘭泉王先生輯明詞綜余亦疑其尙有滲漏
因仿碧巢之例擬作補人一卷補詞一卷選擇大
概仍取與蘭泉先生相比附他日見聞所及當足
而成之隨筆於此建文帝滿江紅云三過吳江又
添得一亭清絕剛占斷水光多處巧依林樾漠漠
雲煙春晝雨寥寥天地秋宵月更冰壺玉鑑暑宜
風寒宜雪臞菴右山嵐缺虹橋左波濤截正三高
堂畔舊規今別何但漁翁垂釣好謾將柳子新吟
揭信登臨佳興屬彭宣能揮發 卽濬字仲深瓊
山人景泰五年進士官大學士謚文莊有瓊臺會

稿菩薩蠻云銷魂別處何寥寂感情含思愁生極

倦睡困方深更闌夜正沈沈檀燒細炷香冷幃空

處寒光月影斜橫透碧窗紗

秋思迴文

周恭汴人按

汴有樂工女劉盼春者與恭狎恭父禁勿令通女
扃門謝客適雲間富商某齎貲往母欲奪其志不
可加挫辱焉恭知之痛哭致書使聽母命綴詞云

云女得詞遂投繯死異日焚其屍有所佩香囊鮮

潔完好中卽藏此詞也周憲王爲之傳奇曰香囊
記見梅禹金青泥蓮花志長相思云阻佳期盼佳
期欲寄鸞牋雁字稀新詞和淚題怕分離又分離

無限相思訴與誰此情明月知 朱灝字宗遠華
亭人按灝在明詞中另出面目詞手之郊島也寶
花聲云霧遞煙郵初放青螺當戶小池中鳴蛙兩
部花巢風埽有松濤堪晤伴伊尼夕陽閒步嫩涼
羈葉桺館黃鸝常寓款光陰全憑酒瓠一睂新月
在峯尖偷露恨癡雲又如蟲蠶 張一如字來初
蕪湖人按焦氏易林簪短帶長本左氏春秋傳簪
短龜長句法一如踏莎行簪兒看短長看帶以易
林入詞不啻張仲宗用毛詩疏也又左氏傳膏之
下肅之上一如暗影自樓膏用此水調歌頭云落

月下春苑啼鳥別花曹無端湊與離怨難咽割腸
刀玉貌雪膚何處只剩無情有恨隱隱怕逢挑空
態忽沾臆暗影自棲膏華幾遞巫峽渺漢津濤此
情終古直教同是一切切送斷韶華一瞬賺殺芳
心一寸船往不留篙回憶可堪話無計放蕭騷

俞琬綸字君宜長洲人萬歷四十一年進士官衢
州西安縣知縣有自怡集桂枝香云張郎一去君
且代郎看雙蛾解理贈別躊躇不忍把君分碎問
容顏君獨知憔悴受多磨與君無異廣寒三五嫦
娥愁向却元自己晴空裏似丹青點綴箇中小小

洞天深處背地沈迷形影都無據憐君自爲分明
累貯盡了漢宮人淚架罷粧殘瞥然收却遠山橫

翠鏡

古

黃尊素字具長餘姚人萬歷四十四年進

士歷官山東道御史贈太僕寺卿諡忠端有集按
此與魏忠節臨江仙詞同爲寸璣殘璧忠節亦萬
歷四十四年進士明詞綜作三十五年悞也西江
月云疎星一一如洗朗月明明欲波高臺夜聽竹
聲過熱心被他吹破最喜良田滿滿還看遠岫栽
栽風前一枕漫顏酡却笑從前總悞 許肇篴字
塤友宜興人諸生明亡赴水死蝶戀花云雨餞雲

鄧春去矣燕嘴泥香暗度疎簾裏底事玉樓人未
起淚痕染透鴛鴦被約腕金環空自委花瓣無情
盡日隨流水喚到侍兒何處使秋千架外尋梅子

彭孫貽字仲謀海鹽人拔貢生有茗齋詩餘按
先生事詳朱笠亭明人詩鈔小傳詞力主兩宋穠
緻學黃魯直高峭近姜石帚視難弟羨門先生殆
無多讓間嘗論明人詞好亦似曲求其辭不傷雅
調不落卑無彫巧之痕無叫囂之習茗齋而外蓋
尠其儔今人知羨門延露之詞而不知茗齋之詞
之工知茗齋古今體詩之妙而不知其詞之殆過

於詩也霜天曉角云睡起煎茶聽低聲賣花留住
賣花人問紅杏下是誰家兒家花肯賒却憐花瘦
些花瘦關卿何事且挿朶玉搔斜賣花用竹
山摘花韻尋芳
草云這裏一雙淚却愁溼那廂兒被被窩中忘却
今夜裏上牀時不曾睡睡也沒心情攪惱殺雪狸
攪戲怎月兒不會人兒意單照見闌干字和稼
軒韻東
坡引云綺窗紅日嗽餘睡殘燈小水沈宿火煙猶
裊賣花聲恁蚤賣花聲恁蚤小鬟呼未應熏爐閒
抱暖玉手調歌鳥鸚哥念熟休忘了春眠不覺曉
春眠不覺曉曉起玉漏遲云向空階絮語不知何處

愁人偏切金井銀牀一夜碎啼明月性殺天涯蕩
子禁得過涼天時節聲暗咽暮燈初起曉鐘纔歇
可憐枕上關山被片晌淒涼驚迴蝴蝶獨院孤衾
此際更和誰說追憶金籠閒鬪伴輸與一雙條脫
空悵別雕闌桂花如雪訴促帝臺春云花影脈脈
春愁黯無力成陣亂紅不管人愁無風飛急冷落
秋千上已後較愁似去年今日問多情燕子剛來
天涯消息無消息歸未得守月直到燈黑儘夜夜
朝朝淚痕多准不過一江潮汐人去今春已非舊
春去那人可如昔便儂做東風肯花枝憐惜春恨用南

唐元
宗韻

暗香云淒淒夜色且醉扶紅袖倚樓橫笛喚
起玉龍斜月鱗鱗曉星摘回首故人天際欲書寄
瑤華無筆誰共我枕石山中霜冷露盈席南國音
信寂縱千里相思方寸堆積悲吟當泣不是思君
定誰憶猶記一枝送影香夢入羅浮空碧奈可翠
禽叫轉不歸也得梅花用白石韻花犯云亞枝低纍纍掛
綠秀才賣風味紺珠勻綴憶嚼徵含宮齟齬妍麗
佳人手摘簷牙倚吞酸私自喜記前月紅潮初盡
香篝曾共被心中難拋撇仁兒春山皺蜚得和愁
憔悴還可惜雙頭打流鶯同墜難甦醒日長人困

剛脆滴櫻桃濃睡裏巧一陣棟花風過吹芳魂似

水

立夏咏梅子用
清真梅花韻

瑤花云先春冰散入暝花明沒

簷牙高啄籬梢庭卉折幾枝都似梳翎凍鶴玉人

何處正暖炙鵝笙小閣倚獸爐纖指頻溫字澀紅

牙新學珠簾十二重遮想此處清寒不上梅萼金

樽翠袖生俊煞呵筆彩毫相角苦吟句就憶驢背

舊游如昨較淺斟低唱今宵如此風情不惡

詠雪小

樓連苑云秋圓白露初肥家家拾紫登山麓金風

小罇吳霜乍點嫩黃纔足未出瑤房暗驚纖手顰

睂刺觸喜合歡腰細中微束稱鴛鴦比肩名目作

意春尖笑剝褪中衣軟溫澀縮漫投歡袖可堪君
口情甜意熟度脆飴脣回甘犀齒秋魁冠玉恥雕
盤薦飾紅牋私裏寄緘重複

食新
栗作

閨秀李因字

是庵杭州人光祿卿葛徵奇妾有竹笑軒集按是
庵畫法陳白陽工詩及詩餘語短情長去北宋末
遠南鄉子云嘹唳過南樓字字橫空引起愁欲作
家書何處寄誰投目送孤鴻淚暗流憶昔共追游
荻岸漁汀繫小舟又是那年時候也休休開到黃
花知幾秋

聞鴈
感懷

菩薩蠻云鶯聲漸老春歸去游絲

着意畱花住獨自倚空樓珠簾嬾上鉤妬他雙宿

燕故把重門鍵月照小闌干羅衣怯暮寒

以上補入

劉基水龍吟云雞鳴風雨蕭蕭側身天地無劉表
啼鵲迸淚落花飄恨斷魂飛遶月暗雲霄星沈煙
水角聲清裊問登樓王粲鏡中白髮今宵又添多
少極目鄉關何處渺青山髻螺低小幾回好夢任
他歸去被渠遮了寶瑟絃僵玉箏指冷冥鴻天杪
但侵階莎草滿庭綠樹不知昏曉

感懷和東坡韻

摸魚兒

云正淒涼月明孤館那堪征雁嘹唳不知衰鬢能
多少還共柳絲同臘朱戶閉有瑟瑟蕭蕭落葉鳴
莎砌斷魂不繫又何必殷勤啼螳絡緯相伴夜迢

遞樵漁事天也和人較計虛名枉悞身世流年滾
滾長江逝回首碧雲無際空引睇但滿眼芙蓉黃
菊傷心麗風吹露洗寂寞舊南朝憑闌懷古零淚
在衣袂

金陵
秋夜

林章長相思云江南頭江北頭水

滿花灣花滿洲花間是妾樓郎東頭妾西頭妾處
春波郎處流勸郎休蕩舟 陳繼儒昭君怨云記
得去年穀雨柳上黃鸝爾汝小伎撥琵琶日初斜
曲斷畱儂歸去家在竹溪西住綠樹暗藤花試新
茶 卓人月洞仙歌云開元遺事有香肌紅汗一
點情緣幾能滿蜀中來坡下辭却三郎今再世怕

說漁陽兵亂良宵炎未解重理深盟如在長生望

秋漢休管外廂愁遮莫烽煙四十萬男兒驅轉且

滴露書完百篇詞比王建佳吟羽商都換

孟蜀宮詞次東

坡韻水龍吟云天孫慵繡銖衣唾絨數點空中墜上

無塵惹下無泥浣禪心俠思縹渺悠揚穿林度莽

煙衙難閉笑鱗鱗桃片田田榆莢卧蒼蘚誰能起

獨有輕魂耐舞恥追隨石家行綴不教蟻捉未容

魚啖休防鶯碎更露奇蹤化爲萍葉八于池水但

玉樓怨汝驅春彈與一般般淚

楊花次東坡韻

錢繼登

蝶戀花云淡月熹微天耿耿莫下庭堦照見愁人

影扶起亂雲猶不整枕香一寸斜侵傾總是多情
添咽哽惱殺霜風偏入愁腸冷無語暗魂銷欲盡
黃鸝飛上桃花梗 呂福生摘得新云夜合花連
枝挿鬢鴉繡窗人獨倚堦天涯夜來妬殺花枝合
碎揉他

以上
補詞

詞苑叢談載明妓李貞儷句相思莫寫上陽花恐被
風吹愁起滿天涯用唐雍陶詩意不減草衣道人
憶秦娥也貞儷明詞綜不錄

蓮子居詞話卷之四

海寧 吳衡照 子律輯

徐湘蘋夫人拙政園詞清新獨絕爲閨閣弁冕同時如商嬪生朱遠山弗逮也拙政園始末詳阮葵生茶餘客話余獲見文待詔爲王御史所作拙政園圖設色細謹筆法縱橫變化極經營慘淡而出之凡三十有一葉葉各繫以古今體詩最後有記皆待詔書王宰一生鄭虔三絕萃于斯矣圖成于御史始創厥後輾轉易主迨夫人時花木臺榭已非復從前位置今輾轉屢易求如夫人時又不可得

撫是幀爲之三歎息也夫人吳郡舊家董潮東臯
雜抄載夫人初歸及夫人姊事出於傳聞之悞抑
或以相國精子平術好事者故從而爲之辭與待
詔圖今藏吾鄉胡爾榮家

王少司寇

祖

云世以填詞爲小道此捫籥扣槃之見

非真知詞者詞至碧山玉田傷時感事上與風騷
合旨小道云乎哉通人之言識解自卓徵歌度曲
蓋猶近風雅腰鼓三百副終勝於牧豬奴戲耳

詞至南宋始極其工秀水勑此論爲明季人孟浪言
詞者示救病刀圭意非不足夫北宋也蘇之大張

之秀柳之豔秦之韻周之圓融南宋諸老何以尙
茲

蘇辛竝稱辛之於蘇亦猶詩中山谷之視東坡也東
坡之大與白石之高殆不可以學而至

鄒程村稱阮亭爲王三綠沈東江稱稚黃爲毛三瘦
可與都官郎中並韻齒頰

會稽金煜字子藏一目重瞳子弱歲有客謂曰君南
唐李後主再世也得乎戍失乎戍識之識之書虞
美人詞以去有天津橋上望歸舟又是黃花落水
秣陵秋

云

云當時疑客知煜名而一目重瞳子又

與陸游南唐書適合故作此妄語後煜年十九中
順治戊戌進士授郟城縣知縣康熙庚戌罷職甲
戌旅死天津客所謂一一盡驗相傳後主物故後
爲獅子國王乃閱六百六十餘年重入輪迴成進
士爲邑宰復坎壈以沒何後主之再世而多窮也
顏崇槩種李園詩話紀此事言後主嗣位及國亡
身隕亦在戌與南唐書宋史多不符此不實之論

趙秋谷

執信

康熙己未進士與乾隆己未進士認先

後同年傳爲僅事嘉善錢書樵

黯

順治乙未進士

至康熙乙未猶存又十餘年年九十五而沒當時

稱二十四科前進士視秋谷尤難得也公官江南
池州府推官以事罷職歸里杜門優游五十餘年
嘗賦滿江紅云問先生何意戀東籬思之熟蓋自
得之語公法大癡山水不落畫史臨摹習氣畫徵
錄稱之

通鑑載李景伯迴波詞云迴波爾時酒卮微臣職在
箴規侍飲已過三爵喧譁竊恐非儀本事詩載沈
佺期云迴波爾時佺期全唐詩載裴談云迴波爾
時栲栳三詞皆以迴波爾時開端其體如此大唐
新語載景伯詞作迴波詞持酒卮顧亭林日知錄

據此謂首二句三言下三句六言翻疑通鑑之悞
錢竹汀養新錄論正之

石林賀新郎誰採蘋花寄與又悵望蘭舟容與或以
與字韻重改寄與作寄取按容與之與去聲讀曰
豫見揚雄河東賦注又漢書禮樂志注閑舒也閑
舒之義亦當爲豫浩然齋雅談蘆浦筆記並著是
說謂疊兩與字礙格則可謂與字複押則不可

稼軒此身已覺渾無事且教兒童莫恁麼恁麼亦作
甚麼見朱子語錄亦作什麼見唐摭言亦作只麼
見黃山谷詩亦作者麼見元典章皆恁麼之轉聲

朱淑真詞無奈春寒著摸人著摸二字孔平仲彭汝礪詩皆用之

無錫王宛先一元占籍鐵嶺中康熙癸未進士生平

有詞癖顧大半散失晚年自訂其所存一千六百餘首釐爲二十卷名芙蓉舫集蘭泉先生詞綜未及採錄亟登數章附見梗概卜筭子云無計遣春愁簾外紅成陣繡對鴛鴦配竝頭花下長交頸欲繡漫停針心上還重省數盡歸期又不歸繡着鴛鴦怎河傳云恨伊無賴不同春住恁般能耐錦年光都做月冤花債教儂長自害交紅被底香消也

輕寒夜夢醒燈初炷一聲聲傍嚴城殘更擁衣和
淚聽醉春風云記得送郎時春濃如許滿眼東風
正飛絮香車欲上搵着啼痕軟語歸期何日也休
教悞忽聽疎砧又驚秋暮冷落黃花澹無緒半簾
殘月和著愁兒同住相思都盡了休重鑄綺羅香
云對月魂銷尋花夢短此地恰逢春暮絕勝湖山
能得幾回畱住弔蘇小紅粉西陵咏江令綠波南
浦看紛紛油壁青驄六橋總是斷腸路重來樓上
凝眺指點斜陽外扁舟歸渡過雨垂楊換盡舊時
眉嫵牽愁緒雙燕來時縈別恨一鶯啼處爲情癡

欲去還留對空樽自語

將別西湖用
梅溪詞韻

倦尋芳云修

睂似畫翠羽疑梳恁般幽雅托得鵲鵲生怕鴻孤
鵲寡結同心思比翼前身合是韓憑化恨雕籠漫
供人近玩檻邊簾下互擒縱淒淒隻影蹴盡殘紅
獨自悲咤萬種離愁忍孤負月明今夜斂翅重來
羈縻處啾啾細絮傷心話笑無端惹空閨淚如鉛
瀉鳥相思宛先初爲錢唐趙恒夫給諫

吉士
揚州觀

風所拔士久居寄園後官內閣中書無子以女適
給諫孫今芙蓉舫集二十卷在錢唐趙氏

吳檠字青然全椒人應乾隆朝博學宏詞乙丑成進

士官刑部主事有陽局詞抄蘭泉先生詞綜遺之
點絳脣云簫局煙寒夢魂無據如飛絮殘紅一樹
幾點黃梅雨屈戌重重偏放愁來路啼鵲住王孫
何處芳草連天暮鳳銜盃云花落空廊湘簾覆滴
不了畫檐懸潤怪掠雨拖煙綠楊也爲傷春瘦鎮
日把腰圍鬪倚屏山看白晝漫閒吟蜀牋題就正
萬轉千迴甘蕉一寸心兒透是骰子安紅豆霓裳
中序第一云青楓冷露泣一抹銀灣光歷亂此日
針欸綵綫記月地雲階茜裘紈扇雙星夜看又暗
中芳序偷換重提起斷腸往事壞壁候蛩歎淒怨

擘釵分鈿誰密證凭肩私願如今仙亦不管悵贈
枕啼衣玉顏霄漢寄詩何日見怎忘了人間郭翰
空凝望魚天皺碧徙倚畫欄畔青然子荀叔煥由
內閣中書官同知有杉亭詞及學宋齋詞韻今竝
行於世

樓敬思論蘇公點絳脣重九詞云上半翻杜句下半
使漢武橫汾事兼李嶠詩妙在數虛字運掉便化
實爲虛此語最得用古之訣其自作八聲甘州重
九詞起云算幾番紅到水邊楓天氣近重陽先點
題接云最難逢晴霽花黃酒綠多少詩忙頂重陽

來翻滿城風雨近重陽意引出吟詩接云著了登高吟展那肯負秋光往事都休矣身在他鄉以吟字承詩忙用他席他鄉送客杯語束住逗起下半換云正是匆匆相見又匆匆相別一棹秋江記小亭晚桂冒雨吐幽香追敘重陽前作別借菊爲重陽冒雨開意照應上半接云想而今茱萸雙鬢向樽前未必不思量折入對面用徧插茱萸少一人九日樽前有所思語結云空延竚一繩雁序喚起淒涼用江涵秋影雁初飛意叫醒重陽且雙關別緒筆意清空不質實其善用前人詩殆不減蘇公

也

隨園詩話畱鬚踏莎行詞頗涉語趣可入堅瓠集云
馬齒頻加鵬程屢蹶還容爾面添何物丈夫欲表
必畱鬚試問那个些兒沒窺鏡多慙染髮誰拂鬚
鬚博得羅敷悅從今但擬學詩人閒吟便好將他
將詞爲何春巢

承燕作

毛稚黃韻白云唐詞守詩韻然亦有通別韻而用之
如宋詞韻者此語失檢考隋陸法言切韻五卷唐
儀鳳二年長孫訥言爲之注後天寶十年孫愐重
修于是乎有唐韻爲當時辭章家所用本無詩韻

專書亦無詩韻專名顧得謂唐詞守詩韻耶大抵唐詞與詩同出於唐韻唐韻雖遞有增加而切韻二百六部舊目依然不改辭章家閒苦韻窄通別韻而用之其於詩已往往而有不獨詞也詞寬於詩故韻亦較寬非守詩韻而別有所謂如宋詞韻者也逮天寶末越二百五十三年爲宋景德四年崇文院上校定切韻五卷依九經書例頒行明年大中祥符元年更名大宋重修廣韻而二百六部舊目實亦依然不改當景德間詔殿中丞卬雍重修切韻也龍圖待制戚綸復奉詔取切韻要字備

禮部試作韻略又三十一年爲景祐四年從賈昌
朝請韻窄者通十三處四月奉詔重修六月卽以
重修禮部韻略頒行二百六部之併殆自此始劉
淵踵而甚焉浸益變亂韻白乃謂一百七部唐人
相傳以迄于今悞以劉淵本爲孫愐唐韻與顧亭
林誤以李燾本爲徐鉉說文同爲通人之笑枋已
許蒿廬詞韻考略言古今通轉及借叶法說本樓敬
思洗硯齋集可取以補榕園所未備但其所云古
今通轉仍當標廣韻部目借叶則當註借叶某部
某字庶不至因一部而累及數部因一字而濫及

數字爲識者笑也

廣陵吟事作於馬氏兩徵君嗣是才士麋集竹西絃
管之盛真不負茲佳山水閒風月也鄭太守楓人
先生湮稍後起倚聲之學終推爲擅場太守襟度
瀟灑官杭州時鵲爐鷗舫判牒湖山迄今想玉勾
草堂宦況彷彿紅豆詞人之在吳興也杭州府志
以鄭志爲佳

太倉自梅村祭酒以後風雅之道不絕王小山時翔

與同里毛鶴汀張健顧玉停陳塋倡詞社又有王

漢舒策素威輅穎山嵩存素懋徐岡懷庚輩起而

應之幾於人人有集小山自跋云余年十五愛歐陽文忠晏叔原秦少游之作摹其豔製得二百餘首蓋意主北宋而以格韻自賞者其詞如一斛珠

云 行香子咏簾 云 雨淋鈴題漢舒香雪詞 云

云 三株媚桐花 云 曲遊春新柳 云 花犯 云

洵乎與浙西六家異曲同工矣

江左七子吳舍人 泰來 趙農部 文哲 尤工詞而王少

司寇 晚續竹垞詞綜之刻俾枯槁憔悴之士垂

聲藝苑洵不朽盛事也吳中擅詞學者如朱上舍

昂 施明府 源 沈進士 清瑞 吳茂才 翊鳳 各自名家

瓣香南渡俱卓然可傳者也

小令之難難於中長郭頻伽舉好事近云深院斷無人拆徧秋千紅索一桁畫簾開處在曉涼池閣潛行行過曲欄干往事正思着猶認墮釵聲響卻梧桐葉落賣花聲云秋水澹盈盈秋雨初晴月華洗出太分明照見舊時人立處曲曲圍屏風露浩無聲衣薄涼生與誰人說此時情簾幙幾重窗幾扇說也零星循環諷誦殆無復加

詞愈淡愈妙頻伽翠樓吟云似儂曾到只三兩人家看來都好柴門小芙蓉無數一時紅了惟其不着

色所以爲高張淥卿謂尤能作苦語真詞中獨闢之境

夢應夢芙蓉九十七字紅友詞律失載竹垞樊榭嘗用之欸淩次仲延堪梅邊吹笛譜賦紅葉亦寄此

解次仲言清真月下笛與白石玉田諸作迥異今細校之卽瑣窗寒惟換頭處少一字疑是瑣窗寒別名非月下笛本調此說足正紅友詞律之誤月下笛本調與瑣窗寒大略相同只上半中四句下半後四句不合而清真此闕則純乎瑣窗寒耳

次仲湘月詞序宜與萬氏專以四聲論詞瀘州先著

以爲宋詞宮調失傳決非四聲所可盡按白石集
滿江紅云末句無心撲歌者以心字融入去聲方
諧徵招云正宮齊天樂前兩拍是徵調今考徵招
起二句與齊天樂平仄符合然則宋詞原未嘗不
以四聲定宮調而萬氏之說初不與古戾也先著
詞潔意在詆剝萬氏通融取其論在湘月之後
故次仲賦湘月詞及之

詠物如畫家寫意要得生動之趣方爲逸品金匱楊
蓉裳先生蘆花云正半鉤微月淡如煙空江冷荔
裳先生燕子云軟踏簾鉤細語訴愁何一片落紅

看不得飛去也又銜來一以神韻勝一以姿致勝
俱從前傳神所未到

曝書亭在梅里勝處百餘年來蔗芋閒田竹梧舊徑
渺不可問矣儀徵阮雲臺中丞撫浙時就其址重
建曝書亭舊有竹垞圖曹次岳岳所作也中丞屬
周采巖璣方蘭坻薰摹之并追和百字令原詞二
闕相率而和者三十餘人

厲樊榭序當湖張龍威

雲錦

紅蘭閣詞稱其詠宋故

宮芙蓉石云指一抹牆角殘陽不照蓬萊舊城闕
詠秋柳云莫再問靈和剩禿髮珍珍如此詠蘆花

云有誰能畫出楚天秋晚等句直與白石爭勝於

毫釐當湖故詞數吾友胡瘦山金題言沈氏陸氏

稱極盛張氏今治奕樞紅螺詞亦樊榭序而行之

瘦山有金屑詞與屈韜園為章紫華舫詞皆不墜

其鄉先生之傳者

德清許周生先生宗彥以經學著名尤精歷算華藏

室詞清籟泠泠造楞伽頂上臺城路舟中聽雨云

云與金匱孫平叔先生爾準瑤華夜雨云賦雨

景情事都見平叔有霜葉飛過馮氏竹素園云

感慨歛歔神味高絕

穀人先生詞有高妙語有幽秀語臺城路云空明一

片想深谷高眠白雲都嬾釣火何人隔灘流數點

富春道中摸魚兒云船頭煮釀待銅笛吹來浩歌一曲

清絕衆山響江上觀捕魚作宴清都云楓葉今朝冷吳帆

外夕陽千里無影秋陰湘江靜云渾未着秋花偏空

際飛來秋句舟行小港中兩岸青蘆彌望蕭寥無人水風間作槭槭然如聞秋聲也

長亭怨慢云踏徧枯枝半林殘葉墜如雨又記破

曉幾點蒼茫倩誰寫亂山行旅寒鳴解語花云纔省

知回味都無問此心灰否咏橄欖花高妙語也水龍吟

云舊時喬木依然一襟曾染詩人翠斜陽小立藕

花飛夢夢涼如水

夏晚趙氏西池納涼

又云水香何處尋來

一痕淡月微茫墜

白蓮

鎖窗寒云映蒼苔餘寒未休

隔簾又釀江南雨甚滿身冷翠低鬟微蹙摘梅簪

去

綠陰

水龍吟云短篷小泊一簪飛雪惱人愁共

秋蘆

春霽云早料此度歸時鷺鷥頭上藕花翻雨

重赴嚴江

留別社中諸子

臺城路云休提燕子問頭白僧歸主人知

未獨立蒼茫冷螢移暗尾

南湖感舊

石湖仙云尋夢到

蘆花只畱得鷗心一片蒹香吹老問幾棹采魚歸

晚雲斷認破帆指塢遙轉

題王述庵先生三泖漁莊圖

過秦樓

云待髣絲籠罷甜香一撲蝶魂應戀玫瑰秋霽云愛

短橋外只是滴翠搖青聽延秋紡一蛩吟遠花牽牛

壺中天云曲閣遲燈虛廊颭笛夕氣涼如水蟲絲

絡遠豆棚疎處輕墜夏晚坐綠意亭納涼月華清云想玉欄

吹老苔花在閒却扇邊睂嫵九月望夜被酒歸來明月在窗清寒特甚

新愁舊夢根觸于懷因賦此解瑤花慢云墻腰低亘還誤認夜深

殘月問者番霽後園林瘦却梅花誰說風雪作寒寓齋岑寂

擁爐孤坐偶歌此詞恍惚玉龍起舞也幽秀語也先生屬對俱精可

入陸輔之詞旨

周草牕采綠吟九十九字倚風嬌近七十字紅友詞

律失載詞見蘋洲漁笛譜近日仁和程瑜小紅樓

詞四卷鮮耀綿整雅近周草牕草牕于宋景炎間

宰綢州瑜亦官綢州學博與弁陽嘯翁若有夙契

小紅樓警句臺城路云朋簪勝引似落日疎林幾

雅飛趁一笑開尊蠟燈紅暈翠簾暝又冰蟾弄影

潑滿地清波醉魂搖冷孫雪帷招飲東園載酒處薄倖云綠波

南浦葬天涯知否重來淚滿斜陽樹書汪柳湖悞惱曲後臺

城路云優曇淨土賸一羽情癡不堪重訴花天香

云蓮舌花翻露氣搵碧唾餘甘袖羅底一握溫磨

近前笑遞煙草疎影云輕陰棹入江村裏看暝色高

樓初赴怕有人誤識歸舟帶了夢魂飛去帆影長亭

怨慢云鬪月明粧笑桃嬌靨渺何許嫩鶯啼盡空

學了吹蘭語細雨失遙山又淚掩韋娘眉嫵憶木

蘭花慢云青梢蛻痕幾豆是相思畱得舊情苗落梅

明妓潘湘雲嘉禾人與姑蘇生鮑有終身之訂後鮑

落魄他鄉音書梗絕湘雲爲母所逼卒歸武夫鬱

鬱不得志以死其畫像流傳吳中好事者以輕綃

摹之亭亭倩影小坐玉梅花下恍在羅浮曉月間

錢塘汪絳人初製金縷曲二章題之詞云十二峯

前影被輕颿離離吹斷芳心自警湘上鴛鴦蘇臺

月照見錦翎相竝渾不計綠昏紅暝重訪枇杷花

下宅約鈿車載向芳隄等思往事助悽哽樂昌難
合徐郎鏡悵無端畫睂人去妝臺玉冷妾似飛花
本無主無那郎如斷梗將薄倖做成薄命燕子樓
空無處所再休言彩鳳隨鴉肯春事了落紅猛又
好事推吳質展輕綃畫圖重省春風彩筆閒向玉
梅花底坐認得前身明月似夢醒羅浮時節那有
翠禽相竝宿只三更杜宇啼紅血緘幽怨向誰說
廣平謾道心如鐵耐孤寒也曾憐到冰肌玉骨畱
取鮑家詩句在唱徹秋墳聲咽經幾度花殘月缺
我有相思紅豆子種情根好待他時結帳中影望

明滅絳人有滄江虹月詞二卷玉連環影云微雨
颺作愁千縷落盡檐花花底人無語轆轤金井云
夾港人家離門半掩梅花香細解連環云紅絲舊
情猶戀歎因循誤了玉河雙燕記衝寒小立溪橋
曾點上征衫迷離成片深院重來又堆起新愁無
限春雪瑤花云迷離光影看樹底白燕飛來無跡梨花
長亭怨云吹殘羌笛看柳色黃如此塞金縷曲云
儂本金牛湖上客生小便工吳語從未識苧蘿村
女三月雙隄楊柳碧怎教人獨做鶯花主送友等
語皆翩翩有致

吾鄉查堯卿上舍蟋蟀詞云西風長悞汝涼葉院一聲聲況孤館今年零煙碎雨斷角淋鈴萬里蘭成歸思最難堪酒醒是三更切切空庭私語一番幽夢初驚誰知灞岸已難聽猶是古山城料紫塞窮秋黃沙衰草更覺淒清中夜哀音四起正漢家驃騎擁神兵

原註時適用兵西陲

何似寶釵樓外傍他螢火牆

陰調寄木蘭花慢悲涼激越頗謂能拔幟於姜張兩名作之外堯卿有選佛詩抄四卷

未知竹影工詞客窗字還添幾個香季父兔牀先生東陳敬貞上舍句也上舍有句云見他竹影篩窗

疎疎密密總寫著個人兩字爲杭堇浦先生所賞

稱竹影詞人

姜怡亭

寧

之詞逸倪米樓

稻孫

之詞俊兩君柳影詞

並神妙欲到秋毫巔也李白樓

方湛

雁云相思苦

難說似但長空宛轉書簡人字清思妙理極熟題

誰解此戛戛獨造

此心只有白漚知纏綿盪作湖波皺屠琴鳴

倬

踏莎

行句有六一丰神琴鳴以詩畫鳴自謂於詞不甚

措意然其豪爽疏儁處不媿名家長亭怨慢云問

何事東風吹緊冉冉楊花蕩搖春暝淺水斜陽模

糊心事更誰省前塵如夢休悞把萍蹤認禁得雨
絲絲點上了離人雙髻不定讓游絲冒住粘着一
重簾影韶光漸老渾不管黛眉啼損記前度三起
三眠早添了十分幽恨只萬種春愁却笑桐綿無
分柳絮法曲獻仙音云欲雨還晴乍寒輕暖釀就天

涯風雪枕上河聲酒邊鄉思孤懷倍憐羈屑寫不
盡匆匆語聊憑鴈鴻說夢飛越柁樓前滿川雲樹
渾不辨山色隔江一髮玉臂不勝寒想鄜州還有
明月燭施香消只今宵眞个愁絕聽船頭畫角已
是五更吹徹河壩雪夜寄內子書徵招云孤鴻一落江湖影

難尋舊時鴛侶愁絕此天涯況連朝風雨長安春
已暮只休說劉郎前度手疊蠻牋斜行淡墨更無
他語雲路鬱蒼茫春深處想見城南尺五小院古
藤陰又幾人曾住離懷方觸迕更添得酒悲如許
偏今夜遙望觚棱有夢魂先去

德州寄都下友人

揚州慢

云春老愁邊酒醒花外幾番盼斷巫雲記心香爇
後又幾箇黃昏奈芳草天涯似夢十年前事空負
蘭因恨江潭飛絮吹來偏化浮萍畫圖省識對遙
山青鎖眉痕只杜若香殘靡蕪綠減都是愁根解
說楚騷哀怨孤芳在雜佩誰紉祝番番風信爲伊

深護重門

孫梅翁大使出示歌妓蘭真小影爲題此闕

洋西瓜其小如錢翠蔓疎花離離可愛吾友孫華海

顥元

賦紅娘子云舊種青門擅小撿真稀見翠葢

移來低垂密映綠丸深淺漫思量雪藕與冰桃向
芳筵同薦裊裊疎藤顥點點黃花滿畱待新秋閒
庭乞巧勻圓齊翦想瓊漿味少總芳甘染朱脣纔
半華海與弟邵菴

顥元

並續學嗜古插架之盛論

者以比趙氏三十六鷗亭也邵庵兼善彈琴吹簫

吾杭近日工詞者琴鳴華海而外李西齋

堂

之學爲

最深梅邊笛譜精整圓潔天香歲暮將歸城西賦

別齋前梅

云

高陽臺春晚養疴杜門偶至湖上

花事已闌

云

又城北沈氏園古桂

云

琵琶仙

訪嚴修能不值

云

解語花

云

非淺涉其藩籬

者所能到

吾友許藕舲

乃麇

詞致清宛絕似山中白雲聲聲慢

云捲簾人靜背閣燈殘無端逗起秋心夜望長安
知有客枕先驚窗寒悄聞細語乍雕闌又過花陰
重太息料閒門醒鶴遠夢難尋腸斷江南往事記
高樓獨倚聽徧商聲冷月孤懸淒怨不似而今西
風爲翻別調問空山誰是知音算此夕但流雲能

和素琴滿舫弟頌年

乃嘉

尤工詞早世著有琴語

軒詩餘河傳云秋暮人去小樓前何處重尋翠鈿
花枝笑我又經年涼天擁衾成獨眠別處相思誰
與說簾影隔望也無消息奈蕭娘沒商量橫塘藕
絲都斷腸滿庭芳云衰草縈青暮雲慘白極目已
是殘秋遠天如墨寫得幾歸舟人世可憐萍梗西
冷水那只東流閒凝佇櫓聲飛處一雁下南樓悠
悠記昨夜爐煙茗串相對齋頭莫忘了湖山寒到
盟鷗但聽啼蜚淒切闌干外猶訴離愁憑相約劉
郎重到前度夢中遊

贈別劉
芙初

紅娘子云滿地松陰

繞四壁蛩音悄讀畫疑仙敲碁破夢一絲琴裊韻
泠泠認是暮山泉借行雲流到林際秋聲老牆角
清光早簾捲隨風闌凭待月暝愁多少怕蕭蕭落
葉滿空庭又昏鴉啼了

右翠軒
夜坐

琴鳴讀書處設梅花紙帳金冬心諸公手筆也爲吳

山尊學士

肅

所贈琴鳴賦疎影詞紀其事詞載耶

溪漁隱余慈柏

鰲

有句云身在花中着意尋香却

又香尋無處賦物之妙直是嵌空瀏亮慈柏亦工

畫梅

近來林下之秀無過于長洲紉蘭李氏生香館詞如

鳥中子規自是天地間愁種賣花聲云睂影控簾

釘花補苔痕滿身香霧嫩寒侵怨入杜鵑聲裏血

獨自愁吟玉笛擗離情草長紅心月鉤空弔美人

魂憐爾爲花猶命薄何況儂今

暮春感賦

菩薩蠻云冰

輪碾破遙空碧砧聲敲冷相思夕望斷鴈來天瀟

湘煙水寒玲瓏花裏月知否人間別一掬去年秋

如何幾樣愁

秋夜書懷

蝶戀花云記得黃昏耽靜坐寵

柳嬌花春恨吟難妥珠箔飄燈風婀娜四圍碧浪

春痕簸譜就紅鹽蘭燭墮擊碎珊瑚唱徹誰人和

提起閒愁無一可淚絲彈瘦細桃朶露華云星疎

雲斂正蓮漏將殘樹影低轉忽逗惺忪依舊一痕
秋淺憐渠那忍先眠夜夜照人清減還知否眉梢
恨多偏是儂見小庭暑退紈扇便悞拜深深香裊
心篆爭奈一回凝竚一回長嘆賸得前度閒愁挂
在寶簾銀蒜羅衣冷花魂和夢銷黯殘月金縷曲云
月照梨花白背銀屏疎檠黯澹薄寒猶怯煙暝星
搖青欲墮幾樹香桃紅濕却是銷魂時節夢影
迷離歸路遠聽啼鴉泣徧春山碧飛不度滄江濶
柔腸細綴丁香結想于今去原有恨住還無益兩
地相思終不見何似翻然輕別怕此後更無消息

一點墨痕千點淚看蠻牋都漬殷紅色數虬箭四

更徹

暮春月夜懷林風晚蘭於吳中時余將赴中州感賦此解卽寄奉東

又云梵宇

隨花轉正銷凝孤鴻影裏斜陽庭院一桁翠簾波

瑟瑟依約隔花曾見渺天際嬌雲弄晚背立東風

空徙倚奈離愁曲曲都縈徧認千點啼紅怨低徊

怕問閒池館剩依然杏梁雙燕惜春微嘆寂寞海

棠紅暈近只是看花人遠再軟踏苔衣尋徧十二

碧城天似水嵌玲瓏夜月春痕淺又試拍輕魂喚

關

又云展卷靈光放罨銀屏玉蕤煙燼冷吟閒望

讀到夜窗虛似水百斛淚珠難量可只爲落梅淒

悵眞向百花頭上死倩二分明月和愁葬疎影澹
暗香蕩奇才合住青冥上想當時裁紅暈碧清狂
情況嘆息詞人零落盡祇有青山無恙對衰草斜
陽門巷小雨滴殘秋夢瘦怪金飈涼透朱櫻帳正
繞砌亂蛩響

題黃仲則悔存詞後
即用其贈汪劍潭韻

其已見靈芬館

詩話者不具錄

擷芳館詞西江曹玉雨著也謝家門第左家才調合
而有之金縷曲云燕子歸來又鬪輕寒廉纖細雨
清明時候長遍階前芳草色粧點韶華依舊更消
得幾回倂慙綠暗紅稀春漸老恐淒涼花亦如人

瘦只愁繫萬絲柳。瑣窗一縷香殘後。夢初醒者番。
憔悴非關病酒。別有傷心無限意。試問東風知否。
怎吹去。睂間顰皺。記得當年離別恨。到而今。淚尙
盈衫袖。思往事。但回首。南浦云佳節。未清明。怪東
風吹絮舞殘春。影芳訊。勒花梢。珠簾外。先喚梨雲
夢醒。嫩寒深鎖瓊樓粉。蝶迷香徑。紫陌難尋芳草
跡。輸與灞橋新詠。誰憐瘦骨支離到。春來鎮日閉
門愁。病素帛。殢關山。幾誤認。白燕歸來。庾嶺空教
幽思茫茫。月浸虛窗冷。倩小鬟。積向冰壺漫把鳳
團重整。
春雪玉漏遲。云綠陰涼。月暗湘簾欲下。紗籠

漫捲病起支離瘦影怕教重見休認夜珠一點繫
多少春愁秋怨思無限香消漏盡酒闌歌散曾記
舊日蘭閨正翦燭分題尙嫌宵短爭似而今祇解
照人腸斷況對疎窗冷雨更獨倚熏篝挑倦鄉夢
遠心緒落花零亂燈滿庭芳云鋤月孤山同憐種
玉羅亭別有仙標豔歌一曲無語墮珊翹莫是江
妃吟倦東風倚愁緒無聊冰壺淚偷彈纖指芳漬
透鮫綃寒梢巡簷見暖煙烘雪笑破櫻桃怕彩雲
易散橫笛休招憶否瑤臺清曉驚香夢翠羽鈴搖
朱闌畔枕痕霞暈粉額未全消紅梅大酺云翠颭簾

波銀鉤掛暝色漸迷煙樹湘闌還倚遍向綠陰芳
砌幾回閒步樓角疎星柳梢淡月暗記篆香新炷
被鶻魂喚起剩蛛網飛紅燕泥零絮又獨檢雲奩
展冰絲紙賦春歸句棟花風信暮望天外極斷峯
迴浦謾贏得青衫淚溼玉笛聲寒淒涼譜出淋鈴
雨悵小屏曲榭渾不似舊曾經處更休問愁何許
鶯花短夢都付陽關倦旅銷盡黯然離緒

仁和女史孫碧梧

雲鳳

能詩文工畫擅南北諸曲女

中名士也湘筠館詞小令尤佳致有南唐北宋意
理相見歡云年時小立苔茵燕依人記得柳花如

雪正殘春砧聲急蟲聲咽忍教聞又是梧桐深院
月黃昏菩薩蠻云翠衾錦帳春寒夜銀屏風細燈
花謝鴛枕夢難成綠窗啼曉鶯愁來天不管鬢墮
睂痕淺燕子不還家東風天一涯清平樂云繡簾
慵捲篆縷迴腸轉臨鏡自思人近遠忘了畫睂深
淺單衣初試寒輕錦屏閒却銀箏又是清明時節
落花窗外啼鶯點絳脣云翠倚疎簾昨宵夢冷池
塘雨天涯離緒歲歲和春住又是年時煙鎖垂楊
渡斜陽暮片帆何處綠遍歸來路春草浪淘沙云青
影亂簾旌點點春星碧天如水月華明深院夜涼

人乍定吹墮銀屏闌外竹聲清半臂紗輕玉階猶
憶那時情團扇軟羅兜不住茉莉釵橫螢憶秦娥
云秋蕭瑟黃昏獨坐窗兒黑窗兒黑風風雨雨怎
生眠得魚沈雁杳關山隔故園又近茱萸節茱萸
節遠書不至鐙花空結嘗畫梅寄女弟仙品雲鶴

賦長亭怨慢云看點點林梢初透倚竹無言暗香
盈袖水遠天長素心獨抱向誰剖粉融脂溜纔過
却燒燈後望斷隴頭雲鎮寂寞雙蛾頻皺記否共
巡檐索句手撚一枝還嗅江城玉笛翻吹出關山
楊柳早又是淡月疎簾照清影和人俱瘦縱筆吐

江花難寫春風如舊仙品賦金縷曲云重檢東風
筆記當年晴窗呵凍木香書室三載羈人羅浮夢
誰問南枝消息但淚眼酸心頻拭悔把江城三弄
影竟匆匆吹入陽關笛回首處今非昔故園又近
黃梅節料愁多畫蓋慵理粉脂狼籍客舍脆圓還
薦酒却憶曉寒粧額怕憔悴舊時顏色若向孤山
還放艇念天涯展卷遙相憶思折取寄離別仙品
著有聽雨樓詞德清許周生先生序孫茗玉

蓀意

女弟嫻卿

雲鵬

也

周生先生序茗玉詞云天邊問姓盈盈水畔之人花裏徵名灼灼蓮中之的胎瑤情於生小地占湖山馳鳳想於古今家多載籍又云紅絲一縷倩冷月爲良媒白玉交卮羨洞仙之豔福皆用茗玉本事茗玉爲蕭山高穎樓明經第繼配穎樓好事擅才名風雅倡隨彷彿寒山趙氏其高陽臺題李香柳君小影柳梢青梅翠樓吟秋滿庭芳美人春睡圖等闕均足譽高白蠟名重紅鹽

任玉卮荆溪人諸生任頌女適監生吳炳蝶戀花云春雨催花知幾許盡日濛濛灑遍江頭樹纔喜春

來春又暮一年好景成孤負滿目飛花兼落絮却
趁東風冉冉隨春去只有梁間雙燕語聲聲還在
儂家住自是致語詞載史承豫筆記

海鹽陳筠字翠君嘗有句云郎似東風儂似絮天涯
辛苦相隨處季父兔床先生喜誦之摘入拜經樓
詩話翠君適馬青上少府墨麟觀察孫也亦工詞
有蓬萊閣吏詩餘

王少司寇明詞綜閨秀顧若璞字知和錢塘人王某
室王當作黃顧乃黃少參

汝亭

子文學

茂梧

婦也

早寡能古文王阮亭池北偶譚稱其有西京氣格

餘詳陳其年婦人集

宋黃尚書由夫人胡給事晉臣女也能草書詩文亦可觀琴棋寫竹皆精自號惠齋居士時人以比易安居士尚書帥蜀夫人偕行因几上塵戲畫梅一枝賦百字令云云見皇宋書錄外篇趙師舉知臨安府浼少司成高文虎作西湖放生池記悞以鳥獸魚鼈咸若屬商事無名子有詞以嘲之實夫人首摘其謬也師舉銜之會夫人卒其婢竊物以逃捕送臨安府師舉鞠令指言主母平時與奕者鄭日新通所失物乃主母自與遂逮鄭繫獄黥之未

幾尙書以帷薄不修去國睚眦細故致令夫人負
不白之冤於其身後又何怪乎易安居士矣後十
餘年師畢死其家亦以曖昧被累信乎人之存心
不可以不厚而報復之理昭昭不可揜也夫人又
有燈花沁園春詞見詩餘廣選

賈似道女雲華與魏氏子決別賦踏莎行起云墮水
落花離弦飛箭此生無處能相見語意警絕卒鬱
鬱以死嗚呼柏舟守義而顧得之半閒堂弱息可
以爲難因思世俗南詞動以奸臣之女極道其貞
且賢亦非理之所必無

後村詩話載福州仁王寺僧喜唱望江南詞後題詩

有當初只欲轉頭銜轉得頭銜轉不堪何似仁王

高閣上倚闌閒唱望江南

云

惜不著其名此二

十八字奚翅爲叢林棒喝耶